



Radio Rumantsch

Per trutgs e pitgognas

Proposta d'Andrea Matossi

San Murezzan Bagn - Suvretta - Alp Suvretta - Suvretta da San Murezzan - Pass Suvretta - Suvretta da Samedan - Zembers da Suvretta - Val Bever - Spinas - Bever

Durada: 7 uras
Ascensiun: 841 m
Descensiun: 907 m

Partenza a San Murezzan Bagn (1774 msm). Tar la staziun da val da la pendiculara Signal travers'ins l'En. Sper numerusas construcziuns novas vai si Somplaz (p 1856) e sperasvi al mundan Hotel Suvretta House en il quartier da villas Suvretta. Ins va vinavant tar p 1956 e p 1995 e passa l'observatori astronomic da Randolins.

Led da finalmain pudair bandunar la via asphaltada, chamina ins vinavant e vesa bainbaud da maun dretg l'Alp Suvretta (2211 msm).

Alternativamain cuntanscha ins quel punct era cun la pendiculara Signal ed ina spassegiada dad ina mes'ura en direcziun vest.

Vinavant vai sin ina bella via tras la valletta Suvretta da San Murezzan, enfin cura ch'ins arriva sin il Pass Suvretta (2615 msm) cun ses lajets pittorescs. Da l'ost maina in trutg giu dal Piz Nair. Era qua pudess ins surmuntar tecnic intgins meters d'atezza via San Murezzan Vitg, la funiculara Corviglia e la pendiculara Piz Nair. Da qua vai alu en direcziun Suvretta da Samedan. La via maina, cruschond pliras giadas l'Ova da Suvretta, enfin tar l'Alp Zembers da Suvretta (2145 msm) ed uschia viaden en la Val Bever pli largia.

Da qua anora chamina ins oravant tut per lung da la vart sanestra da la val enfin a Spinas (1816 msm), nua ch'il tunnel da la viafier d'Alvra cumenza. Qua pudess ins spetgar sin il tren ed uschia cuntanscher cumadaivel Bever. Tgi che ha però betg anc avunda po er ir a pe e cuntanscha Bever (1708 msm) circa en in'ura.